

**Uunga siunnersuut: Ilanniartut ineqarfii pillugit Inatsisartutinatsisaat nr. xx, xx. xxx
2019-imeersoq**

Kapitali 1

Atuuiffissaa aamma nassuiaatit

§ 1. Inatsisartut inatsisaat maanna atortinneqassaaq attartortitsigallarnernut, ilanniartut ineqarfianik, Namminersorlutik Oqartussani atugassiissutigineqartunik tamatumunnga qinnuteqarnermik tunngaveqartumik, ilanniartunut allaneersunut ineqarnissamik pisariaqartitsisunut, ilinniagaqarnerminnut atatillugu, taamaattoq tak. imm. 3.

Imm. 2. Taaguutigineqartumi ilanniartut allaneersut paasineqassaaq ilinniagaqartut minnerpaamik ilinniakkamik aallartitsinnginnermi ukiuni 2-ni illoqarfiup ilinniagaqarfiusussap avataani inuit allattorsimaffianni nalunaarsorneqarsimasut.

Imm. 3. Naalakkersuisut pisuni immikkut ittuni, tamatumanilu minnerunngitsumik pissutsini inunnik ikorsiinissamut attuumassutilinni, inissaqartitsiniarnerup tamanna ajornartinngippagu, ilanniartunut avataaniit aggersuunngitsunut, ilanniartunut inissamik piffissami killilikkami ineqartitsisinnaapput.

§ 2. Ilanniartut ineqarfiat atugassiissutigineqartarpoq piffissap ilinniagaqarfiusup tamarmiusup nalaani, atugassarititaasut kapitalimi 2-mi aalajangersarneqartut naammassineqarsimappata.

§ 3. Naalakkersuisut communalbestyrelsit isumasioreerlugit ilanniartunut ineqarfinnunut malittarisassiorsinnaapput communalbestyrelsimit ilinniagaqartunut atugassiissutigineqartartunut ilinniagaqarnermut atatillugu, tamatumani aamma piumasqaatinik atugassarititaasussanillu attatornermut isumaqatigiisummi.

Kapitali 2

Ilanniartumut inissiamik atugassiissuteqartarnermut atugassarititaasut, aamma qinnuteqartunik tulleriaarisarneq

§ 4. Ilanniartunut inissiat taamaallaat atugassiissutigineqarsinnaapput ilanniartunut:

- 1) danskisut innuttaassuseqartunut, imaluunniit nunat akornanni isumaqatigiisutit Kalaallit Nunaanni atortuutinneqartut naapertorlugit danskisut innuttaassusilinnut sanilliunneqartunut, ilinniagaqartunut inissaqartitaanermut piginnaataaneq eqqarsaatigalugu,
- 2) ilinniagaqarnerup nalaani aalajangersimasumik Kalaallit Nunaanni najugaqartumut,
- 3) ilinniakkamit tiguneqarsimasumut ilinniakkamillu tapiiffigineqarsinnaasumi ingerlatsisumut, imaluunniit ilinniakkamit Naalakkersuisut ilinniagaqarnersiutinik tapiiffigineqarsinnaasutut aalajangiiffigisimasaanni ilinniagaqartumut, aamma
- 4) siusinnersukkut ilanniartut ineqarfianik attatornerminut akiitsoqanngitsumut, imaluunniit ilanniartut ineqarfianik attartorsimanermut atatillugu allatigut akiitsoqanngitsumut,

tamatumanit aamma pisussaaffinnik sumiginnaasimanermik pissuteqartumik, ilinniartup akilersuinissamut isumaqatigiissutaasimasut eqqortinngippagat.

Imm. 2. Naalakkersuisut, tak. imm. 1, nr. 1 naapertorlugu Kalaallit Nunaannut attaveqavissuunissamik piumasaqaammik saneqqutsisinnaanermik aalajangiisinnapput, pineqarpat tikeraartutut ilinniartoq Kalaallit Nunaanni ilinniarfimmi, najugaqarnerullu sivisussusaani qaammatit 12-it qaangissanngippagat.

Imm. 3. Naalakkersuisut najugaqartuunissamik piumasaqaatip, tak. imm. 1, nr. 2, sanioqqunneqarnissaa akuersissutigisinnavaat, qularnaarneqarpat ilinniartoq Kalaallit Nunaanni aalajangersimasumik najugaqavissuusoq, naak piffissami pineqartumi Kalaallit Nunaata avataani najugaqaraluarluni.

Imm. 4. Ilinniartunut inissiamik tunineqarsinnaaneq atorunnaassaaq imm. 1-imi piumasaqaataasoq ataaseq arlallilluunniit naammassineqarunnaarpata, imaluunniit ilinniartoq ilinniartunut inissiami najugaqartoq § 5-imi pineqartunut ilaajunnaarpat.

Imm. 5. Ilinniartut ineqarfianni ineqartup ilinniakkamik ingerlatsisuunissamik piumasaqaammik naammassinnikkunnaarpat, malittarisassat tamatumunnga atuuttut naapertorlugit, taava Naalakkersuisut aalajangersinnaapput ilinniartut ineqarfianni ilinniartoq najugaqartoq piffissami qaammatit 4-t angullugit sivisussusilimmi ineqarfimminiiginnarsinnaasoq, pissutsit immikkut ittut tamanna pisariaqartippassuk, tamatumanissaaq ilinniarfiup uppernarsarpagu ilinniartoq ineqarfimmi ineqartuusoq, naak malittarisassanik pineqartunik naammassinnngikkaluarluni, suli ilinniakkaminik aallussisutut isigineqarsinnaasoq.

§ 5. Ilinniagaqartoq illoqarfimmi ilinniagaqarfimmini allamik inimik atugassaqartitaasoq, imaluunniit aapparisaq imaluunniit inooqatigisaq suliffiminut atatillugu ineqartinneqarpat, pisinnaatitaanngilaq ilinniartutut inissamik atugassinneqarnissamut, imaluunniit atugarisaminik tigumminniinnarnissamik. Tamanna aamma atuuppoq sulisitsisoq sungiusaammik suliffeqarnermut atatillugu inissaqartitsippat ilinniagaqartumut, imaluunniit ilinniagaqartup ineqartinneqarnissamik pisariaqartitsinera nammineq pisariaqartitanik aallaaveqarpat.

§ 6. Ilinniartoq ilinniagaqartunut inissiamik tunineqarsinnaajumalluni, tamatumalu atuinnarsinnaaneranut Naalakkersuisunut nalunaaruteqassaaq paasissutissanik tamanik, inissamik tunineqarnissamut imaluunniit inigisamik tigumminniinnarnissamut pisariaqartunik, tamatumunngalu akiliuteqartarnermut pisariaqartunik, tamatumani aamma inimik pisariaqartitsinermut paasissutissanik, inuup normuanik aamma inoqutigiinni ilaasut tamarmik atiinik, inoqutigiit isertitaannik, ilinniakkamik sumi tiguneqarsimanermik, ilinniakkamik ingerlatsinermik, aamma illoqarfifup ilinniarfiup avataani najugaqartarnermik.

Imm. 2. Ilinniartoq ingerlaannartumik Naalakkersuisunut nalunaaruteqassaaq, imm. 1-imi pissutsini pineqartuni allannguuteqartoqarnerani.

§ 7. Naalakkersuisut aalajangersaasinnaapput malittarisassanik innersuussisarnermut innersuussinissamullu tulleriaarisarnermut atugassarititaasunik, tamatumani aamma ilinniartunik allanik avataaneersuunngitsunik tulleriaarisarnermut tunngatillugu.

Kapitali 3

Allaffissorneq

§ 8. Inatsisartut inatsisaat aamma malittarisassat taanna naapertorlugu suliaasut (ilinniartut ineqarfiinut malittarisassat) Naalakkersuisunit allaffissornikkut aqunneqarput, akisussasaasuuusunit attartortitsisarnermut ilinniartullu ineqarfianni ineqarnerup atorunnaarsinneqartarneranut, ilinniartut ineqarfiinut tunngatillugu malittarisassat naapertorlugit, taamaattoq tak. imm. 2 aamma 3.

Imm. 2. Naalakkersuisut tamakkiisumik imaluunniit ilaannakuusumik ilinniartut ineqarfiinik allaffissornikkut aqtsineq Namminersorlutik Oqartussat iluanni oqartussaasunut ingerlatsivinnullu allanut suliassanngortissinnaavaat.

Imm. 3. Naalakkersuisut allatanik isumaqtigiiisseeqarnikkut allaffissornikkut ilinniartut ineqarfiinik malittarisassat tamakkiisumik ilaannakuusumilluunniit kommunalbestyrelsimut imaluunniit suliffeqarfimmut namminersortumut suliassanngortissinnaavaat.

Imm. 4. Pisortat, ingerlatsiviit aamma suliffit namminersortut imm. 1-3-mi eqqaaneqartut, pisinnaapput

- 1) pisortatut oqartussaasunit ilinniagaqartut pillugit paasissutissanik aallernissamut, ilinniagaqartut ineqarfiinut malittarisassat naapertorlugin allaffissornikkut ingerlatsinermut pingaaruteqartunik, aamma
- 2) akunnerminni paasissutissanik ingerlatitseqqissinnaapput, ilinniartut ineqarfiinik allaffissornikkut aqtsinermut pingaaruteqartunik, akunnerminnilu paasissutissat taamaattut atorsinnaallugit.

Imm. 5. Naalakkersuisut aalajangersagaliorsinnaapput allaffissornikkut aqtsineq pillugu, tamatumani aamma ilusissanik piffissalersuinernillu qinnuteqartarnermi, aamma ilinniartut ineqarfiinik ingerlatsinermi, tamatumani aamma imm. 1-3 naapertorlugin suliassanik isumaginninnernut, ineqartunut siunnersuisoqatigiinni sulianut immikkut akissarsiaqartitsisarnermut, aamma paasissutissanik piniartarnernut, atugassiisarnermut ingerlatitseqqittarnermullu, tak. imm. 4.

Imm. 6. Aalajangersakkat pisortat ingerlatsineranni suliassat suliarineqartarnerat pillugu Inatsisartut inatsisaanni aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni atuupput, imm. 3-mi eqqaaneqartunut suliffinnut namminersortunut, taakkua Inatsisartut inatsisaat manna imaluunniit malittarisassat Inatsisartut inatsisaat naapertorlugu suliaasut naapertorlugin tamakkiisumik imaluunniit ilaannakuusumik ilinniartut ineqarfiinut malittarisassat naapertorlugin ilinniartut ineqarfiinik allaffissornikkut aqtsisutinneqarpata.

§ 9. Ilanniartut ineqarfiinik allaffissornikkut aqutsinermi, tak. § 8, ilaapput ulluinnarni ilanniartut ineqarfiinik aqutsineq aamma ilanniartut ineqarfiini ataasiakkaani namminerni suliassat, ilanniartut ineqarfiinut atuuttut malittarisassat naapertorlugit.

Imm. 2. Ilanniartut ineqarfiinut allaffissornikkut malittarisassat aqunneqarneranni qularnaarneqassaaq ilanniartut ineqarfiisa isumannaatsumik ingerlanneqarnissaat, ilanniartullu ineqarfiinik ingerlatsineq sapinngisamik pitsaanerpaamik isumagineqassasoq.

Imm. 3. Allaffissornikkut aqutsinermi ineqartut soqtigisaat pitsaanerpaamik isumagineqassapput.

§ 10. Naalakkersuisut ilanniartut ineqarfikkaartumik ileqqorissaarnissamut malittarisassanik aalajangersaassapput, atortuulertartussanik ineqartunut saqqummiunneqareeraangamik.

Imm. 2. Ileqqorissaarnissamut malittarisassat, tak. imm. 1, Naalakkersuisunit akuerineqareernerminni pisortanit, ingerlatsivinnit aamma namminersortut suliffiutaannit aalajangerneqarsinnaapput atuuttussatut, tak. § 8, imm. 2 aamma 3.

Imm. 3. Naalakkersuisut ileqqorissaarnissamut malittarisassiorsinnaapput, tamatumani aamma ileqqorissaarnissamut malittarisassat unioqqutinneqarnerini kinguneritinneqartartussat mianersoqqussuteqarnikkut imaluunniit anisitaanikkut pisartussat pillugit

§ 11. Naalakkersuisut pilersissinnaavaat utaqqisunut allassimaffik, ilanniartut ineqarfiini ineqartut qanoq sivisutigisumik ineqartuusimaneri aamma inissamik pisariaqartitsineri aallaavigalugit.

Imm. 2. Ilanniartut ineqarfiata iluani utaqqisunut allattorsimafimmik pilersitsisoqartarpal, ilanniartut ineqarfiinut allaffiup aalajangersassavai tamanullu takusassiaralugit utaqqisut allassimaffianni inissinneqartarnermut atugassarititaasut.

Kapitali 4

Ineqartut siunnersuisoqatigiivi

§ 12. Ilanniartut ineqarfiini ataasiakkaani Naalakkersuisut ilanniartut siunnersuisoqatigiivi pilersissinnaavaat, taakkualu suliassarissavaat:

- 1) aaqqissuuttarnissaat aamma agguaattarnissaat ulluinnarni ilanniartut ineqarfianni najugaqartut akornanni suliassat,
- 2) qularnaassallugu ilanniartut ineqarfianni najugaqartut ulluinnarni toqqisisimasunik killiliussanik atugassaqartitaanissaat,
- 3) nakkutigissallugu ilanniartut ineqarfianni ileqqorissaarnissaq, aamma
- 4) nakkutigisarissallugu illup aserfallatsaalinerata paarineqarneratalu ajunngitsuunissaa.

Kapitali 5

Attartornermut isumaqatigiissuteqarneq kiisalu ineqarnermut akiliummik annertussusiliisarneq akiliisarnerlu, atuineq aamma qularnaveeqquisiissut

§ 13. Ilanniartut ineqarfiannik attartorneq pillugu isumaqatigiissuteqarneq pissaaq attartornermut isumaqatigiissummi naqitami Naalakkersuisunit akuerisaasumi. Attartornermut isumaqatigiissummi ilaassaaq peqtit allassimaffiat takussutissiaq.

Imm. 2. Ilanniartut ineqarfianni ineqartup kingusinnerpaamik iserternermini attartornermut isumaqatigiissut atsiussavaa.

Imm. 3. Ilanniartut ineqarfianni ineqartup attartornermut isumaqatigiissummik atsiuinerminut atatillugu ilanniartut ineqarfianni ileqqorissaarnissamut malittarisassat assilineqarnerannik tunineqassaaq.

§ 14. Attartornermut isumaqatigiissuteqarnermi qularnaveeqquisiissutitut akiliutissaq akilerneqassaaq, ilanniartut ineqarfianni ineqartup sillimmasiissutaatut ineqarfimmuit nuunnissaminut pisussaaffigiumaagaanut, taamaattoq tak. § 53.

§ 15. Ilanniartunut inissiani ineqarnermut akiliut qaammammut siumoortumik akilerneqartassaaq, tak. § 16. Qaamatikkaartumik ineqarnermut akiliutip saniatigut akilerneqartassapput kiassarnermik, innaallagissamik, gas-imik aamma imermillu atuinermut akiliutit, taamaattoq tak. § 53.

Imm. 2. Atuinermut imm. 1 naapertorlugu akiliutissat ilanniartut ineqarfianni ineqartup atuinera tunngavigalugu akilerneqartarput. Ilanniartumut inigisap naammaannartuunerata kingunerippagu nalinginnaasumiit annertunerusumik inigisap assinganut atuinernut akiliuteqartoqartarnera, atuinermut akiliutissami naapertuuttumik annikilliliisoqassaaq.

§ 16. Ineqarnermut akiliutissaq aalajangersarneqartassaaq pissutsit tulliuttut tunuliaqtaralugit, taamaattoq tak. § 53:

- 1) Ilanniartumut inissiap angissusia.
- 2) Ilanniartumut inissiaq pequsersugaanersoq pequsersugaannginnersorluunniit.
- 3) Ineqarfimmii ineqartup, tamatumanissaq ineqartut allat inoqutigiittut isertitaat.

Imm. 2. Ineqarnermut akiliut ukiumoortumik naleqqussarneqartassaaq, akiliutissap naleqqussarnissaanut procentimik, Inatsisartut inatsisaat maannakkorpiaq akissarsiat naleqqussarneqartarnerannut naapertorlugu.

§ 17. Ilanniartut ineqarfianni najugaqartoq ineqarnermut akiliutissamik qaamatikkaartumik siumoortumik akiliisassaaq, piffissami ineqarnermut isumaqatigiissutaasumi aalajangersakkat naapertorlugit, taamaattoq tak. imm. 4.

Imm. 2. Akiliineq pisassaaq kingusinnerpaamik ullup akiliiffissap qaangiunnerani ulluinnaat pingajuata qaangiutinnginnerani. Ulloq maanna nalliuuttuuppat imaluunniit arfininngoreruppat, ulluinnarmi tulliuttumi akiliineq piffissamik eqquisutut isigineqassaaq.

Imm. 3. Naalakkersuisut akiliiffissamik innersuussissapput, taamaattoq tak. imm. 4. Akiliiffissamik innersuussisoqarsimangippat ineqarnermut akiliutissaq ilinniagaqartut ineqarfiinut allaffiup najugaanut akilerneqassaaq. Aningaaserivimmut imaluunniit allakkerivimmut akiliineq akiliiffissamut innersuuneqartumut akiliinertut isigineqassaaq.

Imm. 4. Ilinniartut ineqarfianni najugaqartoq ilinniagaqarnersiuteqarpat, taava Naalakkersuisut ineqarnermut akiliutissaq ilinniagaqarnersiutinik akiliinermanni ilanngaatigisinnavaat, tak. § 26, imm. 1, nr. 1 aamma 2, Ilinniagaqarnersiutit pillugit Inatsisartut inatsisaanni, taamaattoq tak. § 53.

§ 18. Naalakkersuisut ineqarnermut akiliutissap naatsorsorneqartarneranut malittarisassanik aalajangersaassapput, tamatumani aamma isertitat naleqqussartarnerinut, qularnaveeqqusiiisarnermut, ineqarnermut akiliutissamik akiliisarnermut, kiassarnermut, innaallagissamut, gas-imut aamma imermut, tamatumanilu aamma atuinermut akiliutissani naapertuuttumik annikilliliisarnermut, taamaattoq tak. § 53.

Kapitali 6

Ilinniartup ineqarfiata angissusissaa pitsaassusissaalu

§ 19. Ilinniartumut inissiamik atugassiinermi isiginiarneqassapput ilinniartumut inissami ineqartumut malinnaasut inoqtigii, ilinniagaqartup meerai 18-it inorlugit ukioqarpata, aappaa imaluunniit inooqatigisaa pisinnaatitaammata akiliunneqarlutik angalasinnaanermut, tamatumunnga malittarisassat ilinniagaqarnersiuteqarnermut malittarisassani naapertorlugit, taamaattoq tak. imm. 2.

Imm. 2. Ilinniartut ineqartup piumasarisinnaanngilaa ineqarfigisap aalajangersimasumik angissuseqarnissaa aamma pitsaassusissa, tamatumani aamma nammineq immikkut ilinniartutut ineqartinneqarnissi imaluunniit ilinniartunut inissiap pequsersugaareernissaa imaluunniit pequsersugaannginnissaa, taamaattoq tak. imm. 1, § 20, imm. 2 aamma §21.

§ 20. Naalakkersuisut ilinniartut ineqarfiannik ilinniartumut ineqartussamut atugassiissapput piffissamiit attartornerup aallartiffissaatut isumaqatigiissutigineqartumiit.

Imm. 2. Ilinniartumut inissiaq attartorfiup aallartinneqarani isumannaatsuussaaq pissusissamisoortumillu pitsaassuseqassalluni.

§ 21. Naalakkersuisut malittarisassiorsinnaapput ilinniartumut inissiap qanoq pitsaassuseqarnissaa attartornerup aallartinnerani pillugu, tamatumani aamma pequsersugaanissaanut, atortulersugaanissaanut aamma matuersaatinut tunngasuni.

§ 22. Ilinniartunut inissiaq attartornerup aallartinnerani amigaateqarpat, taava ilinniartup ineqartup Naalakkersuisut amigaataasut pillugit nalunaarfigissavai kingusinnerpaamik attartornerup aallartinneraniit ullut 14-it qaangiutinnginneranni. Tamannali atuutinngilaq amigaataasut paasineqarsimasinnaanngippata nalinginnaasumik malussarniarnikkut, tak. aamma § 39.

Imm. 2. Naalakkersuisut ilinniartut ineqarfianni najugaqartoq pisussaaffilersinnaanngilaat amigaataasunik iluarsaaqqullugu, ilinniartut ineqarfianni najugaqartup iserternerminiit ullut 14-it qaangiutinnginneranni Naalakkersuisunut erseqqissaatigereersimasaanik.

Kapitali 7

Aserfallatsaaliiineq aamma iluarsaasarneq

§ 23. Naalakkersuisut isumagissavaat ilinniartut ineqarfianni sumiiffiit ataatsimoorussat isumannaatsumik aserfallatsaalineqarnissaat.

Imm. 2. Naalakkersuisut pisussaaffigaat teknikkimut tunngasumik atortulersuutit, kuuffinnut, kiassarnermut, innaallagissamut, gas-imut aamma imermut atortut pitsaasumik atorsinnaassuseqarnissaasa nakkutigineqarnissaat. Assigisaanillu Naalakkersuisut pisussaaffigaat innaallagissamut ikkuffiit, naqqup sinaani iikkiussat, matserfiit, kiassaatit, ruujorit, skaaviit iikkamiittut, pequtit, atortut allallu aserfallatsaalineqarnissaat.

Imm. 3. Nutarterisarnerit imaluunniit allatut iluarsaasarnerit ajorsisoqarneratigut nungullartunilluunniit Naalakkersuisunit isumagitinneqartassapput akuttunngitsumik, pisariaqassusianut ilinniartut ineqarfiata qanoq ittuunera naapertorlugu.

§ 24. Ilinniartut ineqarfianni najugaqartup ingerlaannartumik ajoqutit Naalakkersuisunut nalunaarutigisassavai.

§ 25. Ilinniartut ineqarfianni najugaqartup pissutissaviusumik pissuteqanngitsumik Naalakkersuisut itigartissinnaanngilai ilinniartut ineqarfiannut takusaanissaannik, taakkua:

- 1) ilinniartut ineqarfiat misissorniarpassuk, allannguutaasimasinaasut takujumallugit,
- 2) aserfallassimassutsimik nakkutilliinermi,
- 3) iluarsagassanik suliaqarniarlutik, imaluunniit
- 4) ilinniartut ineqarfiat misissorumallugu attartorteqqinnejalinnginnerani.

Imm. 2. Misissuinermi nakkutilliinermiluunniit paasineqarpat paarinerluisoqarsimasoq, ilinniartut ineqarfianni ineqartup ingerlaannartumik ajoqusikkat iluarsaatissavai, tamanna Naalakkersuisunit piumasarineqarpat.

Imm. 3. Naalakkersuisut siumut sap. ak. 2-nik ilisimatitsillutik ilinniartut ineqarfianni iluarsaneq aallartitsissinnaavaat. Taamaattoq Naalakkersuisut qaqugukkulluunniit siumoortumik nalunaaruteqaratik iluarsagassanik kinguartinneqarsinnaanngitsunik suliaqarsinnaapput.

Imm. 4. Suliaq sunaluunniit Naalakkersuisunit aallartinneqartoq akornuserneqanngitsumik suliarineqassaaq, sapinggisamik annertunerpaamik ilinniartunik ineqartunik soqutigittartumik. Naalakkersuisut ingerlaannartumik iluarsaaqqinnerit suliarisassavaat.

Kapitali 8

Ilinniartut ineqarfianni ineqartup ineqarfimmik atuinera

§ 26. Ilinniartut ineqarfianni ineqartut, kiisalu inuit ilinniartunit ineqarfinnut isersinnaatitaasut ileqqorissaarnissamik malittarisassanik ilinniartut ineqarfiannut atuuttunik eququutitsissapput, tak. § 10.

§ 27. Ilinniartut ineqarfianni ineqartup ineqarfik isumannaatsumik atugarissavaa, ajoqusiinernullu taarsiisussatut akisussaaffeqarluni, nammineq, inoqutimi akornanni imaluunniit ilinniartut ineqarfiannut isersinnaatitaminiiit illersorneqarsinnaanngitsumik pisusilfersortoqarnerinut.

§ 28. Ilinniartut ineqarfianni ineqartup pisussaaffigaa nammineq aningaasartuutigissallugu imminut ilinniartut ineqarfiannut suliffiup nalinginnaasup avataani mattussimaguni iserniarnini.

Imm. 2. Ilinniartut ineqarfianni ineqartup ineqarfimmut matuersaat annaasimaguniuk, matuersaammut nutaamut aningaasartuutit nammineq akilissavai.

§ 29. Ajoqusiisoqarpat ajutoornikkut ilinniartut ineqarfiata ilaani Naalakkersuisut eqqiluitsuutitassaanni, ilinniartut ineqarfianni ineqartup ingerlaannartumik Naalakkersuisut tamanna pillugu nalunaarfigissavai.

§ 30. Ilinniartut ineqarfianni ineqartup ineqarfik Naalakkersuisunit akuerineqanngitsumik allamut atorsinnaanngilaa, tamatumani aamma:

- 1) ilinniartut ineqarfianni inisimasoqarluni,
- 2) ilinniartunut inissiaq allanut atugassiissutigisinnaanagu,
- 3) inissiaq allanut attartortillugu, imaluunniit
- 4) ilinniartunut inissiami ineqartorlu alla inigisanik paarlallutik.

§ 31. Inerteqquaavoq ilinniartut ineqarfianni ineqartup Naalakkersuisunit akuerineqanngitsumik:

- 1) Ilinniartut ineqarfianni atortulersuutinik allannguisinnaanera, taamaattoq tak. § 32.
- 2) Uumasuuteqarneq.
- 3) Nassarnissaat toqqortarinissaallu aallaasit ilinniartut ineqarfianni, tamatumani aamma nammineq ilinniartutut inigisami. Aallaasit akuerisaasut nassarneqartut toqqortarineqassapput skaavimmi parnaartartumi Naalakkersuisuni.

§ 32. Ilinniartut ineqarfianni najugaqartoq siumoortumik Naalakkersuisunut isumaqatigiissuteqareernikkut pisinnaatitaavoq nammineq akilikaminik atortorissaarutinik nalinginnaasunik ilinniartunut ineqarfimmi ikkussuinissaminut, internet-imut attavimmik, tv-mut attavimmik aamma innaallagissiuutitalinnik attavinnik allanik, taamaattoq tak. imm. 2. Naalakkersuisut akuersissummut ilanggullugu aalajangiisinjaapput atugassarititaasunik, tamatumani aamma atortulersuutit ikkunneqannginneranni pissutsinut utertitseqqinnissamut.

Imm. 2. Ilinniartut ineqarfianni ineqartup pisinnaatitaanera imm. 1 naapertorlugu atuutissangilaq Naalakkersuisut nalunaarutigippassuk ilinniartut ineqarfianni

innaallagissiuutit naammattumik atorsinnaassuseqanngitsut, imaluunniit atortulersuutit
ineqarfimmut tassaniluunniit najugaqartunut ajoqtaassasut.

§ 33. Ilanniartut ineqarfianni najugaqartoq siumoortumik Naalakkersuisuniit allaganngorlugu akuersissuteqarfigineqartoq ikiorsiissutit atortulersuutinik ikkussuisinnaavoq, soorlu aggersaasarnermi attaveqaatinik, usilersorfimmik pilersitsineq, uffarfimmik allannguilluni suliaqarneq imaluunniit immikkut aaqqiissusiineq, igaffik aamma matut isumaginninnermut tunngasumik inatsisit naapertorlugit. Naalakkersuisut akuersissuteqarnerminnut atatillugu piumasaqaatigisinnavaat ilanniartut ineqarfianni ineqartup ineqarfimmik qimatsilernermini pissutsit isikkorisimasaannut uterteqqissagai, tamatumalu akuerineqannginnerani communalbestyrelsimiit qularnaveeqqusiisummik piniartoqarsimanissa, pissutsit isikkorisimasaannut uterteqqinnissaannut ilanniartunut ineqarfimmi najugaqartup aninerani aningaasartuutinut matussutissat pillugit.

§ 34. Ilanniartut ineqarfianni najugaqartoq ineqarfimmiit nuussinnaanngilaq siumoortumik Naalakkersuisunut isumaqtigisissuteqarani, tak. § 42, imm. 1, nr. 4.

Imm. 2. Imm. 1-imik eqquutitsinnginnermi ilanniartut ineqarfianni najugaqartoq ineqarnermut akiliummik akiliisussaatitaassaaq, attartornermut isumaqtigisissutip eqqortumik piffissaliilluni atorunnaarsinissaanik nalunaaruteqarnissami tungaanut, tak. § 38, imm. 1.

Kapitali 9

Atuisinnaatitaanerup allanut tunniunneqarnera

§ 35. Naalakkersuisut pisinnaatitaapput pisariaqartikkunikku ilanniartut ineqarfianni najugaqartoq inissamik allamik innersuussinnaallugu, annertuunik iluarsaanernik ineqarfimmi suliaqartoqassatillugu, imaluunniit ilanniartut ineqarfianni najugaqartut inoqutigiit ilaat ilanniartup ineqarfianit nuussimappata.

§ 36. Ilanniartut ineqarfianni najugaqartoq piffissami aalajangersimasumi sungiusaammik suliffeqarallartussaaguni, imaluunniit ilinniariartussaguni illoqarfiup ilinniagaqarfiusup avataani, pisussaavoq ilinniartutut najugaqarfigisaminik peqannginnermini Naalakkersuisunut atugassiinissamut, ilanniartut ineqarfianni najugaqartoq ilinniartoq minnerpaamik qaammatit marluk peqanngittussaaguni. Tamannali atutissanngilaq ilanniartup illoqatigisaani inoqutigiinni ilaappata meeqqat 18-it inorlugit ukiullit, aapparisaq imaluunniit inooqatigisaq, akiliunneqarlutik angalasinnaatitaasut, ilinniagaqarnersiuteqarnermut malittarisassat atuuttut naapertorlugit.

Imm. 2. Ilanniartut ineqarfianni najugaqartup ilinniartutut inigisaminik Naalakkersuisunut atugassiisussaqq, tak. imm. 1, peqannginnermini ineqarnermut akiliuteqassanngilaq.

Imm. 3. Ilanniartut ineqarfianni najugaqartup ineqarfigisaminik Naalakkersuisunut atugassiisussaasoq, tak. imm. 1, pequtiminik Naalakkersuisut aaqqissuussaannik toqqortaritsisinnaavoq, ilinniartut ineqarfiat atugassiissutigineqarsimasoq atugassiinermi pequsersugaanngippat.

§ 37. Ilanniartup ineqarfia atugassiissutigalugu tunniunneqarsinnaanngilaq ilanniartup najugaqartup appaanut imaluunniit inooqataanut, taamaattoq tak. imm. 2.

Imm. 2. Atuisussaatitaanerup allamut tunniunneqarnera imm. 1 naapertorlugu, taamaallaat pisinnaavoq nutaamik ilanniartunut inissiamik Naalakkersuisunut qinnuteqareernikkut. Inissiamik atugassiissuteqarneq taamaallaat pisinnaavoq tunngavigalugu aappaasup imaluunniit inooqataasup ilanniartut ineqarfianik atugassineqarnissamut piumasaqaataasunik naammassinnissimaneani.

Kapitali 10

Taamaatitsineq aamma atorunnaarsitsineq

Ilanniartut ineqarfian ni najugaqartup taamaatitsinera aamma atorunnaarsitsinera

§ 38. Taamaatitsineq ilanniartut ineqarfian ni najugaqartup tungaaniit pissaaq allaganngorlugu minnerpaamik qaammammik ataatsimik siumoortumik ilisimatitsinikkut, attartornermut isumaqtigisiuttaasumi sivikinnerusumik piffissaliisoqanngippat.

Imm. 2. Ilanniartut ineqarfian ni najugaqartup piffissap sinnerani ineqarnermut akiliutaasussat akilertussaavai, ilanniartut ineqarfian ni najugaqartoq ineqarfimmiiit nuuppat piffissaq isumaqtigisiuttaasoq sioqqullugu.

Imm. 3. Ilanniartut ineqarfian ni najugaqartoq inigisamiit nuuppat piffissaq isumaqtigisiuttaasoq sioqqullugu, imaluunniit suli taamaatitsinissamut piffissaliussaasoq naanngitsoq, taava Naalakkersuisut anguniassavaat ilanniartunut inissiap sapinngisamik sukkasuumik allamut attartortilernissaa. Ineqarnermut akiliutit attartortitseqqilernikkut imaluunniit attartortitseqqilertoqarsimasuuppat isertinneqartussat ilanngaatigineqassapput Naalakkersuisut piumasaqaatissaanni ilanniartumut ineqarfimmiiit anisumiit.

§ 39. Ilanniartunut inissiaq piffissap attartorfiusup aallartinnerani amigaateqartitserpat, tak. §§ 20 aamma 22, ingerlaannartumillu Naalakkersuisut amigaataasut iliuuseqarfingippatigit, imaluunniit piffissap naapertuuttup iluani iliuuseqarfingineqarsinnaanngippata, ilanniartut ineqarfian ni najugaqartup attartornermut isumaqtigissut atorunnaarsissinnaavaa, amigaataasut pingaaruteqartutut isigineqarpata. Amigaataasut iliuuseqarfingineqarpata ilanniartut ineqarfian ni najugaqartup attartornermut isumaqtigisiuttaasoq suli atorunnaarsinngikkaa, ilanniartut ineqarfian ni najugaqartup kingusinnerusukkut amigaataasimasut attartornermik isumaqtigisummiik atorunnaarsitsinermut pissutaatissinnaanngilai.

Naalakkersuisut taamaatitsinerat aamma atorunnaarsitsinerat

§ 40. Naalakkersuisut attartornermut isumaqtigissut ilanniartut ineqarfian ni najugaqartumut atorunnaarsittassavaat ilinniagaq imaluunniit ilinniarfimmiiinneq naammassippat imaluunniit unitsinneqarpat, imaluunniit ilanniartut ineqarfian ni najugaqartup

ilinniartut ineqarfianni najugaqarnissamut piumasaqaatit naammassiunnaarpagit, taamaattoq tak. imm. 3 aamma § 51, imm. 2. Ilinniakkamik ingerlatsinnginneq tamatumani ilinniakkamik taamaatitsinertut isigineqassaaq, soorluttaaq taamaatitsineq orlov-eqarnikkut, tamatumani aamma naartunermut meerartaarnermullu atatillugu sulinngiffeqarneq ilinniakkamik taamaatitsinertut isigineqassasut, taamalu ilinniartut ineqarfianni najugaqarsinnaajunnaarnertut, tak. imm. 2.

Imm. 2. Ilinniakkamik, ilinniarfimmiinnermik, sungiusaammik suliffeqarnermik naammassisaqarnermi, ilinniarfimmi ilinniakkamik taamaatitsinermi ilinniartut ineqarfianni najugaqartoq nooreersimassaaq ulluinnaat 10-t qaangiutinnginnerini, ilinniakkap, sungiusaammik suliffeqarnerup imaluunniit uninnerani imaluunniit taamaatinnerani, taamaattoq tak. imm. 3.

Imm. 3. Ilinniartut ineqarfianni najugaqartoq ilinniakkamiit anisitaaguni anisitaanerlu naammagittaalliuutigalugu allaffissornikkut oqartussanut allanut, taava ilinniartut ineqarfianni najugaqartoq pisinnaatitaavoq inigisaminiiginnarnissaminut, anisitaaneq pillugu inaarutaasumik aalajangertoqarnissaata tungaanut.

§ 41. Naalakkersuisut § 40-mi periarfissat eqqaaneqartut avataasigut ilinniartut ineqarfianni najugaqartoq najugaqarfianiit anisussanngorlugu isumaqatigiissut atorunnaarsissinnaavaat, tak. § 51, imm. 2, ilinniartut ineqarfianni najugaqartoq allaganngorlugu mianersoqqusissuteqartoqareernerata kingorna

- 1) ilinniartutut inigisani isumannaatsumik periaaseqarfigisimannngippagu, tak. § 27,
- 2) § 31-imi aalajangersakkat unioqqutissimappagit,
- 3) pitsaasumik ileqqoqarnissaq pissusilersornissallu periuserisimanngippagit, tamatumani aamma ileqqorissaarnissamut malittarisassat, tak. § 26, imaluunniit ineqartunut allanut akornutaappat, naak pissusilersornera ingasattajaarnerunngikkaluartoq, annersaanertaqartumik imaluunniit aserorterinertaqartumik, tak. §§ 42 aamma 43, Naalakkersuisut attartornermut isumaqatigiissummik atorunnaarsitsisinnaaffigisaannik.

Imm. 2. Naalakkersuisut imm. 1 naapertorlugu atorunnaarsitsinerat allaganngorlugu suliaassaaq.

§ 42. Naalakkersuisut attartornermut isumaqatigiissut atorunnaarsissinnaavaat, tak. § 51, imm. 2, pisuni imaattuni:

- 1) Ineqarnermut akiilitissamik akiliisoqartangippat, tak. § 17, imm. 1.
- 2) Ilinniartut ineqarfianni najugaqartup inigisani isumannaatsumik periaaseqarfiginngippagu, tak. § 27.
- 3) Ilinniartut ineqarfiat isumaqatigiissutaasut avataatigut atorneqarpat, tak. § 30.
- 4) Ilinniartut ineqarfianni najugaqartoq inigisamiit nuuppat Naalakkersuisunut isumaqatigiissuteqarani, tak. § 34.
- 5) Naalakkersuisunit akuerineqanngitsumik aallaasinik ilinniartut ineqarfianni toqqortaqartoqarpat, tak. § 31, nr. 3.
- 6) Ilinniartut ineqarfianni najugaqartup akornusersorpagu Naalakkersuisut ilinniartut ineqarfiannut isersinnaanerat, § 25 naapertorlugu.

- 7) Illeqkorissaarnissamut malittarisassat ingasattajaartumik unioqqutinneqarpata, tak. § 26.
- 8) Atortut imaluunniit pequtit ilinniartut ineqarfianni najugaqartumut atugassiissutigineqartut attartornermut isumaqatigiisummut atatillugu sumiginnarneqarpata. Tamanna aamma atuuppoq atortunut pequtinullu ilinniartut ineqarfianni inini ataatsimoorussaniittut pineqartillugit.

§ 43. Naalakkersuisut attartornermut isumaqatigiisut atorunnaarsissinnaavaat ingerlaannartumik atulertumik, ilinniartut ineqarfianni najugaqartoq pissusilorsorpat annertuumik ineqarfimmut akornutaasumik, ilinniartut ineqarfianni najugaqartunut allanut, ilinniartut ineqarfianni sulisunut aamma allanut ilinniartut ineqarfianniissinnaasunut, tamatumani aamma:

- 1) ilinniartut ineqarfianni najugaqartoq annersaappat imaluunniit annersaaniarluni sioorasaarippat,
- 2) ilinniartut ineqarfianni najugaqartup pissusilorsornera avatangiisuni ulorianartorsiortsippat, tamatumani aamma sakkunik atuinikkut imaluunniit ilinniartut ineqarfiannut ulorianaatilinnik toqqortaqarnermigut, imaluunniit,
- 3) paasineqarpat ilinniartut ineqarfianni najugaqartoq tigmiaqartoq imaluunniit atuisoq aangajaarniutinik nakorsaatitut atorneqanngitsunik.

Imm. 2. Kiisalu aamma attartornermut isumaqatigiisummit atorunnaarsitsisoqarsinnaavoq ingerlaannartumik atuutilersumik, pissusilorsorneq imm. 1-imi pineqartoq ingerlanneqarpat, ilinniartut ineqarfianni najugaqartup inoqtigisaanit imaluunniit allanit ilinniartut ineqarfianni najugaqartup ineqarfimmut isersinnaatissimasaanit.

§ 44. Naalakkersuisut attartornermut isumaqatigiisut atorunnaarsippassuk, tak. §§ 42 aamma 43, taava ilinniartut ineqarfianni najugaqartoq ingerlaannartumik ilinniartut ineqarfiannit nuussaaq, aammalut ineqarnermut akiligassat akilissallugit, aningaasartuutilu allat attartornermut isumaqatigiisummut atasut, piffissami ilinniartut ineqarfianni najugaqartup aninissaata tungaanut atuuttut, nalinginnaasumik ilisimatitsinikkut nuunnissami, tak. aamma imm. 3. Taamaattoq pisumi namminermi naliliineq tunngavigalugu Naalakkersuisut nuunnissamik kinguartitsisinnaapput ullut 5-it angullugit.

Imm. 2. Attartornermut isumaqatigiisummit atorunnaarsitsineq pissuteqarpat aangajaarniutinik tigmiarnermik imaluunniit toqqortaqarnermik, annersaanermik imaluunniit tamanna pillugu sioorasaarinermik, tak. § 43, imm. 1, nr. 1 aamma 3, taava Naalakkersuisut piumasarisinnaavaat ilinniartut ineqarfianni najugaqartup ingerlaannartumik atulersumik ilinniartut ineqarfiat qimassagaa.

Imm. 3. Ilinniartullu ineqarfianni najugaqartup aammattaaq taarsiivigissavai annaasaqarnerit suulluunniit, unioqqutitsinermik pissuteqartut, tamatumani aamma ilinnartup ilinniartut ineqarfiannit anisitaanerani aningaasartuutaasut.

Imm. 4. Naalakkersuisut anguniassavaat ilinniartut ineqarfiata allamut attartorteqqinnissaa. Ineqarnermut akiliutit isertitat Naalakkersuisunut akilerneqartut imaluunniit akilerneqartussaagaluit, piffissami imm. 1-imi pineqartumi, ilinniartut ineqarfianni najugaqarsimasumut piumasaqaataasunit ilanngaatigineqassapput.

§ 45. Attartornermut isumaqatigiisummik taamaatitsinermi aamma atorunnaarsitsinermi §§ 40-43 naapertorlugit Naalakkersuisut pisussaaffeqanngillat ilinniartut ineqarfianni najugaqartup inissarseqqinnissaanik.

Imm. 2. Naalakkersuisut attartornermut isumaqatigiisummik ingerlaannartumik atortuulersumik atorunnaarsitsinermi § 43, imm. 1, nr. 1 aamma 3 naapertorlugit ilinniartut ineqarfianni najugaqarsimasoq ilinniartut ineqarfiannik attartorsinnaajunnaarallartissinnaavaat piffissami aalajangersimasumi ukioq ataaseq qaangernagu sivisussuseqartumi.

Kapitali 11

Ilinniartut ineqarfianni najugaqartup nuunnera

§ 46. Ilinniartut ineqarfianni najugaqartup ineqarfimmik qimatsinermini ilinniartut ineqarfiat utertissavaa iserternermisulli pitsaassuseqartillugu.

Imm. 2. Naalakkersuisut inigisamik qimatsinermi attartornermut isumaqatigiissut naapertorlugu qularnaveeqqusissutit akiliutaasut atorsinnaavaat ilinniartut ineqarfianni najugaqarsimasup pisussaaffiinut aningaasartuutinut matussutissatut, iluarsaanermut, attartukkap eqqiarneqarneranut, inigisamullu akiitsusinnaasut akiitsulluunniit allat ilinniartut ineqarfiannut tungasut aningaasartuutiginerinut.

§ 47. Ilinniartut ineqarfianni najugaqartup nuunneranut atatillugu Naalakkersuisut inigisap misissorneqarsimaneranut nalunaarusiamik suliaqassapput, tassanilu nalunaarneqassapput amigaataasut aamma paarinerluineq Naalakkersuisut isumaat naapertorlugu ilinniartut ineqarfianni najugaqarsimasup akisussaaffigisai. Misissuisimanernut nalunaarusiaq imaqassaaq allaganngorlugit missingersuusianik suliassanut Naalakkersuisut naliliinerat naapertorlugu ilinniartut ineqarfianni najugaqarsimasup akiligassaannik suliarineqartussanik.

Imm. 2. Naalakkersuisut patsisigippassuk amigaateqartoq imaluunniit paarinerlisoqarsimasoq ilinniartunut inissiamik qimanneqartumik, taava Naalakkersuisut tamanna uppernarsaasissavaaat immikkut pappialatigut, assersuutigalugu assilisatigut, video-mik immiussakkut imaluunniit inunniq uppernarsaasuliinikkut.

Imm. 3. Kingusinnerpaamik ilinniartut ineqarfianniit nuuttoqarneraniit sap. ak. ataaseq qaangiuppat misissuisimanermut nalunaarusiaq ilinniartut ineqarfiannik qimatsisimasumut ilinniartumut nassiunneqassaaq. Ilinniartut ineqarfianni najugaqarsimasup misissuisimanermut nalunaarusiap imarisai isumaqatiginngikkunigit sap. ak. ataaseq qaangiutsinnagu ilinniartut ineqarfianni najugaqarsimasup oqaaseqaatigiumasani nassiussimassavai, taakkualu Naalakkersuisut nalunaarusiamti ilanngutissavaaat.

§ 48. Ilinniartut ineqarfianni najugaqarsimasoq misissuisimanermut nalunaarusiamut oqaaseqaatinik nassiussaqanngippat, tak. § 47, imm. 3, taava Naalakkersuisut pisinnaatitaassapput misissuisimanermut nalunaarusiaq tunngaviutissallugu ilinniartut ineqarfianni najugaqarsimasup qularnaveeqqusissutaasa iluarsaanermi aningaasartuutinut matussutaatinnissaanut, tak. § 46, aammalu ilinniartut ineqarfianni najugaqarsimasup

attartornermut isumaqatigiisummut atatillugu aningaasartuutanut matussutitut atornissaannut.

§ 49. Ilanniartut ineqarfianni najugaqarsimasup kingusinnerpaamik nuunnerminiit ullut 8-t qaangiutinnginneranni allaganngorlugu Naalakkersuisunut nalunaarutigissavaa najugaq nalunaarutit il.il. ingerlatinneqartarfissaat.

§ 50. Naalakkersuisut akisussaanngillat pigisanut ilanniartut ineqarfianni najugaqarsimasup qimataanut.

Imm. 2. Naalakkersuisut ilanniartut ineqarfianni najugaqarsimasumut nuussimasumullu minnerpaamik sap. ak. ataatsimik piffissaqartitsereerlutik pigisat aaneqarnissaannut, pigisat igitissinnaavaat imaluunniit tuniniarsinnaallugit ilanniartut ineqarfianni najugaqarsimasup akiligassaanik, pigisat piffissaliussap iluani aaneqarsimannngippata. Eqqaaneq aamma pisinnaavoq ilanniartut ineqarfianni najugaqarsimasup najukkani nalunaarutiginnngippagu, tak. § 49.

Imm. 3. Naalakkersuisut apeqqutaatinnagu imm. 2-mi piffissaliussaq pisussaapput pigisat annertuunik nalillit piffissami sivisunerusumi qaammatit 3-t angullugit sivisussuseqartumi paarsarinissaannut, ilanniartut ineqarfianni najugaqarsimasup akiligassaanik.

Imm. 4. Iluanaarutaasut imaluunniit iluanaarutaasimasinnaasut pigisat tuniniarnerisigut ilanngaatigineqassapput Naalakkersuisut ilanniartut ineqarfianniit nuussimasumut piumasaqaatissaanni, pigisat toqqortarisimanerannut aamma attartornermut isumaqatigiisummik tunngaveqartumik ilanniartut ineqarfianni najugaqarsimasumit pisussaaffigineqartunut, tamatumani aamma aningaasartuutinut iluarsaatitsinermut, eqqiaanermut attartugaasimasumik, ineqarnermut akiliutissanut akiitsorineqartunut, imaluunniit akiitsunut allanut ilanniartut ineqarfiannut attuumassuteqartunut.

Kapitali 12

Maalaarutit

§ 51. Pisortanit, ingerlatsivinnit aamma suliffinnit namminersortunit aalajangiinerit pillugit maalaarutit Inatsisartut inatsisaanni § 8, imm. 2 aamma 3 naapertorlugit Naalakkersuisunut suliassanngortinneqassapput aalajangiisoqarneraniit sap. ak. 2-t qaangiutinnginneranni.

Imm. 2. Maalaarutit §§ 40, 41 aamma 42 naapertorlugit pisut aalajangernermik atorunnaarsitsissapput. Maalaarutit § 43 naapertorlugu pisut aalajangernermik atorunnaarsitsissapput Naalakkersuisut naliliinngippata ilanniartut ineqarfianni najugaqartup ingerlaqqittumik ilanniartut ineqarfianniinera annertuumik inissiamut, ineqartunut allanut imaluunniit allanut ilanniartut ineqarfianniissinnaasunut, tamatumani aamma ilanniartut ineqarfianni sulisunut annertuumik ajoqtaassasoq, tak. § 44, imm. 2.

Imm. 3. Naalakkersuisut malittarisassiorsinnaapput maalaaruteqartarnermut, tamatumani aamma ilusissanik aamma elektroniskiusumik maalaaruteqarsinnaanermut.

Kapitali 13

*Atortuulersitsineq, atorunnaarsitsineq aamma piffissamut ikaarsaarfiusumut tunngatillugu
aalajangersakkat*

§ 52. Inatsisartut inatsisaat manna atortuulerpoq ulloq 1. august 2020, taamaattoq tak. § 53.

Imm. 2. Ilutigisaanik atorunnaarsinnejarpooq Ilinniartut ineqarfii pillugit

Namminersornerullutik Oqartussat nalunaarutaat nr. 18, ulloq 1. november 2007-imeersoq, aamma Inissianik attartortitsisarneq pillugu Inatsisartut peqqussutaanni nr. 2, 12. maj 2005-imeersumi § 3, imm. 3.

§ 53. Naalakkersuisut malittarisassiussapput §§ 15, 16, aamma 18-ip atortuulerfissaannik aamma aalajangersakkat taakkua tunngavigalugit malittarisassat atortuulerfissaannik.

Imm. 2. § 15, 16 aamma 18-ip atortuulernissaata tungaanut ineqarnermut akiliutissap qularnaveeqqusiusutissallu annertussusissaat aningaasanut inatsimmi annertussusilerneqartassapput.

Imm. 3. § 15-ip atortuulernissaasa tungaannut kiassarnermik, innaallagissamik, gas-imik aamma imermik atuinermut akiliuteqartoqartassangilaq.

Namminersorlutik Oqartussat, ulloq xx. xxx 2019

Kim Kielsen